



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Lignvm Vitae, Ornamentum, & Decus Ecclesiae**

In Qvinque Libros Divisvm. In quibus, Totius Sanctiss. Religionis Divi Benedicti initia; Viri Dignitate, Doctrina, Sanctitate, ac Principatu clari describuntur: & Fructus qui per eos S. R. E. accesserunt, fuissimè explicantur

**Wion, Arnold**

**Venetiis, 1595**

Episcopatus de littera F. c. XLII.

**urn:nbn:de:hbz:466:1-38372**

ni discipulus, ob eximiam sanctitatem Eugubinus episcopus factus, miraculis clatus obiit, die 26. Iunii. Floruit anno Domini 1070.

*S. Petrus Damianus in eius uita, tomo 7. Surij.*

D. MARCVS, monachus Monasterii S. Crucis de Auellana, Congregationis Columbæ, & Episcopus Eugubinus.

D. Ioannes de Laude, eiusdem Monasterii monachus, necnon & eiusdem quoque ciuitatis Episcopus. *Augustinus Flor. in hist. Camald. parte 2. lib. 5. cap. 16.*

## Episcopatus de littera F.

### Cap. XLII.

*Fanenses in Marchia Anconitana in Patrimonio Petri.*



IOANNES Baptista Bertuzulus, Cæfnas, monachus, & Prior S. Mariæ de Monte, Congregationis Casinensis, alias S. Iustinae de Padua, ob morum grauitatem & sapientia doctrinam Episcopus Fani renūciatus, munus suum strenuè obiit. Obiit his nostris temporibus. *D. Angelus à Carpenedulo eiusdem canobij Decanus, in quadam epistola ad me transmissa.*

*Firmani, in Marchia Anconitana.*

D. PHILIPPVS, monachus S. Crucis de Auellana, Congregationis Columbæ, Episcopus Firmanus. *Aug. Flor. part. 2. lib. 5. c. 16.*

*Florenses, siue Sancti Flori in Aruernia, sub Bituricensi Archiepiscopo.*

2 D. HENRICVS Fialtreus, monachus Cluniacensis, & Procurator in curia Romana, deinde illius Monasterii Abbas 29. creatus anno 1308. quod rexit annis undecim, translatus ad sedem S. Flori anno 1319. præfuit Episcopatu annis. 10. Obiit autem die 4. calendas Februarii, in ecclesia S. Flori sepultus, anno 1330.

*Chron. Cluniacense, & Demochares de sacrif. missæ, tomo 2. cap. 25. & Franc. Belforest. in Cosm. sua, in descriptione Aruernia.*

3 D. Archimbaldus, monachus Monasterii S. Flori, in Episcopu eiusdem ciuitatis assumptus est anno 1330. Hic instituit collegium Beatæ Mariæ in S. Floro. Obiit circa annum Domini 1340.

4 D. Deodatus de Canilhaco, monachus S. Flori, natione Antisiodorensis, Episcopus S. Flori, deinde Attrebatensis, postremo. S. R. E. Presbyter Card. anno 1343. renunciatus; obiit Auinione 1373. sepultus ibidem apud Franciscanos.

D. Pe-

- 5 D. Petrus de Stagno, seu Stanno, Gallus, monachus S. Flori, & Episcopus, postea Archiepiscopus Bituricensis creatus anno 1366. demum purpuratorum numero associatus est anno 1370. Obiit 1377. Romæ.
- 9 D. Hugo de Manhaco, seu Iugnaco, monachus S. Flori, & Episcopus, translatus est postmodum ad Ecclesiam Lemouicensem.
- 10 D. Gerardus Loy de Podio, Gallus, monachus Monasterii Cluniacensis, deinde Abbas Maioris Monasterii, & Episcopus S. Flori, post Carcassonenfis, ad ultimum S. R. E. Cardinalis à Gregorio Papa XI. anno 1375. renunciatus; Obiit Auinione anno 1383.
- 11 D. Bertrandus de Cadoena, monachus S. Flori, & Episcopus, ad ecclesiam Vtensem postmodum transit.
- 12 D. Iacobus Lupi, monachus S. Flori, & Episcopus.
- 13 D. Petrus de Lentoing, monachus S. Flori, & Episcopus.

## A N N O T A T I O.

*De his omnibus, eorumque monachismo, incipiendo ab Archimbaldo, tractant Demochares & Belforestius, locis supracitatis, & quod omittitur à Demochare, scilicet nomen Monasterij sue professionis, suppletur à Belforestio. Tempus tamen quo unusquisque eorum creatus est, ab ijsdè non explicatur.*

*Frisingenses in Bavaria, sub Saltzburgensi Archiepiscopo.*

1 S. CORBINIANVS Francus, monachus, & postea Eremiticæ vitæ cultor, in Germania, à S. Gregorio Papa II. Episcopus ad prædicandum Dei verbum ordinatus in agricultura Dominicæ strenuè insudavit, & postquam multos verbo & exemplo Christo acquisivisset, miraculis gloriosus obdormiuit in Domino, anno 751. Episcopatus sui 20. sexto Idus Septembris. *Otho Frisingensis in Chron. lib. 5. cap. 24.*

2 D. Herebertus, siue Erimbertus, monachus, & discipulus S. Bonifacii Episcopi, & S. Corbiniani frater, & successor, necnon virtutum eius imitator præcipuus, præfuit ecclesiæ suæ annis. 28. & bonis operibus plenus migravit è vita, anno Domini 780. *Trittemius lib. 4. cap. 221. Belforestius, & alij.*

*Frislarienses in Thuringia.*

1 S. ALBVINVS Hybernus, & monachus in Huéli monasterio insulæ Hyberniæ, cū multos gentiliū ad Christi fidem, cuius causa in Germaniam deuenerat, sua prædicatione conuertisset, à Romano Pontifice primus Frislariensis Episcopus in oppido Burbach, ordinatus, verbum Dei ad finem usque vitæ seminare non desijt. Tandem

dem miraculis clarus in pace quieuit septimo cal. Nouembris, & Thuringorum Apostolus appellatus est. *Tritt. lib. 4. cap. 190. & alij. Fulginates, in Ducatu Spoletano, sub Patrimonio Petri.*

D. BENEDICTVS, monachus S. Crucis de Auellana, Congregationis Colūbe, & Episcopus Fulginensis. *Aug. Flor. par. 2. lib. 2. c. 16.*

D. ISIDORVS Clarius, Brixienfis, monachus monasterij S. Ioānis Euangelistæ Parmæ, & Abbas S. Mariæ Cesenæ, congregationis Casinensis, aliās S. Iustinæ de Padua, ordinis Diui Benedicti, uir & morum integritate, & scripturarum intelligentia, necnon linguarum peritia, clarissimus, qui Concilio etiam Tridentino summa cū sua laude adfuit, in omni uita sua dignum se Episcopatu ostendit: & cum magna apud suos sanctitatis opinione, præmium laborum suorum percepturus, migravit ad Dominum, & in Ecclesia Cathedra- li Fulginæ sepultus, à Ciuibus suis sequenti Epitaphio est condecoratus.

*Isidorus Clarius, Brixienfis, Fulgineæ iam VII. annis Episcopus, uita & moribus integerrimus, exemplo & uerbis admirabilis, doctrina clariss. Christiana, Græcâq, Hebraica, Latina: mira in pauperes charitate ignitus, Annum sue ætatis circiter LX. agens: acutissima correptus febre, patientissime, placideq; obdormiuit, ac XL. post mortem horis, ob assiduam populi deosulationem, maximis cum lachrymis eiusdem, non feruens certè, prohi mirum, sed redolens, hic situs est, die XXVIIII. Maij. M. D. LV.*

De operibus eius, quibus nomen suum æternitati consecrauit, hæc uidi:

In sermonem Domini in monte habitum, secundum Matthæum orationes 69, excusas Venetijs anno 1546. 1565, 1566. & 1567. in 4.

In euangelium Lucæ; orationes 54, excusas ibidem 1565. in 4.

Orationum, extraordinariarum, tomos. 2. impresos Venetijs 1567. in 4. & 1577.

De Iustificacione hominis, & de Gloria, Orationes duas habitas in Concilio Tridentino, editas Venetijs 1548. in 8. & Louanii cum alijs in eodem concilio habitis in folio.

De modo diuinitis adhibendo homini Christiano, Orationem: excusam Mediolani 1540. in 4.

Translationem uulgatę editionis noui testamenti, impressam Venetijs 1541. in 8. in qua tamen ex sententia Catholicorum Patrum,

trum,

trum S. Conc. Trid. multa animaduersione digna reperta sunt.  
In caput. I X. epistolæ Diui Pauli ad Romanos, ad Chrylſtomū  
noſtræ Congregationis Præſidem, orationes duas: quarum præ  
fatio ſic incipit: Eſſi perſuaſum mihi ſemper fuit.

Oratio prima ſic, Qui locus iamdiu.

Oratio ſecunda hoc modo, Quamquam ego oratione heſterna.  
Sunt MS. apud D. Archangelum Fantoni, monachum S. Nicolai  
de Littore Venetiis.

In caput XV. primæ epistolæ D. Pauli ad Corinthios libros tres  
compoſuiſſe ipſe Iſidorus fatetur in præfata oratione ſecun  
da, at ubi reperiantur neſcio.

In Cantica canticorū lib. 1. qui excuſus eſt Venetiis apud Zilettū.  
*Fundani in Campania, exempti.*

D. BENEDICTVS, monachus Caſinenſis monaſterii, & Eccle  
ſiæ Fundenſis Episcopuſ, floruit anno Domini 1100. *Petrus Diaconus  
in chron. Caſ. lib. 4. c. 55.*

D. Pius, patria Neapolitanuſ, ex antiqua Lotteriorum familia,  
monachus monaſterii Caſinenſis, & Prior S. Seuerini in ciuitate  
Neapolis: uir religione & bonitate perſpicuus, anno aſſumptæ reli  
gionis 25. à Papa Gregorio XIII. Episcopuſ fundanuſ creatus,  
ſumma uigilantia gregem ſuū cuſtodiuit: Obijt Caſini anno 1592.

D. Placiduſ Romanuſ monachus Caſinaſ in ſupplemento MS. uir  
illum inſtruum montis Caſini, ad Petrum Diaconum, quod apud me eſt.

### Episcopatus de litera G.

#### Cap. XLIII.

*Galiopolitani, in Apulia, ſub Idruntino Archiepiscopo.*

D. **S**ABINVS, monachus monaſterii Sancti Andree  
Romæ, deinde Episcopuſ Galiopolitanuſ, reli  
gione, doctrina, & eruditione præcipuus, & tan  
to officio dignuſ, uerbo & exemplo ſe uerum  
paſtorem eſſe oſtendit. *Tritemiuſ lib. 4. c. 263.*

*Gebennenſes in Gallia, ſub Kienneniſi Archiepiscopo.*

D. FRANCISCVS, Galluſ, monachus Ordiniſ S. Benedicti,  
Episcopuſ creatus uidetur, anno Domini circiter 1430. adfuit enim  
concilio Baſileenſi iam episcopuſ anno 1432. ut conſtat ſeſſione. 5.  
& 38. in quo Concilio poſtea anno 1440. factuſ eſt S. R. E. Presbi  
ter